

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 004072/06

ՎԱՐՉԱԿԱՆ ԻՐԱՎԱԽԱՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 26.02.2021 թվականի թիվ 4072 վարչական իրավախախտման վերաբերյալ արձանագրությունը, քննելով թիվ 4072 վարույթը և կից նյութերը,

ՊԱՐԶԵՑԻ

«Մշակութային ժառանգության վավերագրման և ուսումնասիրման կենտրոն» հիմնադրամի (ՀՎՀՀ 02265858) տնօրենի ժամանակավոր պաշտոնակատար Հակոբ Երվանդի Սիմոնյանը /հասցե՝ ք. Երևան, Դուրյան թղմ 45/30, անձն. տվյալներ՝ AK0618865, ՀԾՀ 1914490061/ «Հիմնադրամների մասին» ՀՀ օրենքի 39-րդ հոդվածով սահմանված ժամկետում չի հրապարակել հիմնադրամի 2019 թվականի գործունեության հաշվետվությունը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169.18 հոդվածի 1-ին մասով: Նշված իրավախախտման վերաբերյալ ՀՀ ՊԵԿ իրավաբանական վարչության պետի կողմից 20.08.2020 թվականին կայացվել է թիվ 428324/06 որոշումը՝ Հակոբ Երվանդի Սիմոնյանի նկատմամբ նախազգուշացում կիրառելու մասին: «Մշակութային ժառանգության վավերագրման և ուսումնասիրման կենտրոն» հիմնադրամի (ՀՎՀՀ 02265858) տնօրենի ժամանակավոր պաշտոնակատար Հակոբ Երվանդի Սիմոնյանի կողմից օրենքով սահմանված կարգով նախազգուշացվելուց հետո 30 օրվա ընթացքում չի ներկայացվել հիմնադրամի 2019 թվականի գործունեության տարեկան հաշվետվությունը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169.18 հոդվածի 2-րդ մասով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը չի ներկայացել: Գործում առարկություն կամ բացատրություն առկա չէ:

Վարչական վարույթի շրջանակներում կատարված ուսումնասիրության արդյունքում պարզվել է, որ հիմնադրամի 2019 թվականի գործունեության հաշվետվությունը ներկայացվել է 22.02.2021 թվականին, ընդ որում հաշվետվության ուսումնասիրությունից հայտնի է դարձել, որ հիմնադրամը 2019 թվականի ընթացքում գործունեություն չի իրականացրել, ուստի իրավախախտումն ունի նվազ նշանակություն:

Նկարագրված արարքի համար նախատեսված է պատասխանատվություն Վարչական իրավախախտումների վերաբերյալ ՀՀ օրենսգրքի 169.18 հոդվածի 2-րդ մասով, սակայն հաշվի առնելով իրավախախտման նվազ նշանակություն ունենալու հանգամանքը, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածով, Վարչական իրավախախտումների վերաբերյալ ՀՀ օրենսգրքի 21-րդ, 32-րդ հոդվածի 2-րդ մասով, 282, 244² հոդվածներով՝

ՈՐՈՇԵՑԻ

1. Համաձայն Վարչական իրավախախտումների վերաբերյալ ՀՀ օրենսգրքի 21-րդ հոդվածի 1-ին մասի՝ Հակոբ Երվանդի Սիմոնյանին ազատել վարչական պատասխանատվությունից և հայտարարել բանավոր դիտողություն:

2. Հակոբ Երվանդի Սիմոնյանի նկատմամբ հարուցված թիվ 4072 վարչական իրավախախտման գործի վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ




Ա. ՄՆԱՑԱԿԱՆՅԱՆ

Վարչական իրավախախտման վերաբերյալ գործի որոշման դեմ գանգատ կարող է առկալ որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Մասնակցեցի գործի քննությանը, որոշման վերաբերյալ առարկություններ չունեմ

(ստորագրություն)

Ստացա որոշման պատճենը _____